

22. marts 2019

UPA2019/206

Kalaallit Nunaanni eqqartuussisarnermik inatsisip allannguutaa pillugu (Pinerluttulerinermi suliani nassuiaatinik atuineq, timikkut misissuinermut malittarisassanik allannguiq, Kalaallit Nunaanni Eqqartuussivimmi sulisunik aalajangersaaneq il.il.) Inatsisissatut siunnersuummut missingiut.

(Peqqissutsimut, Isumaginninnermut Inatsisinillu Atuutsitsinermut Naalakkersuisoq)

Kalaallit Nunaanni eqqartuussisarnermik inatsisip allannguutaa pillugu (Pinerluttulerinermi suliani nassuiaatinik atuineq, timikkut misissuinermut malittarisassanik allannguiq, Kalaallit Nunaanni Eqqartuussivimmi sulisunik aalajangersaaneq il.il.) Inatsisissatut siunnersuummut missingiut Peqqissutsimut, Isumaginninnermut Inatsisinillu Atuutsitsinermut Naalakkersuisumit Inatsisartunut saqqummiunneqartoq Siumumiit imaattumik oqaaseqarfigissavarput.

Siumup pingaartilluinnarpaa inuiaat inatsisitigut illersugaanerisa qulakkeersimajuarnissaa. Taamaattumik Siumut eqqartuussiveqarnermi eqqartuussisarnermilu sinaakkutit pitsanngorsarneqartuarnissaannut sulinermut peqataassaaq peqataajuassallunilu

Inatsisunik atuutsitsinermut suliassaqarfimmi pitsaassutsip patajaallisarneqarnissaa ilanngullugu siunnersuummi pineqarpoq, taamaalilluni tamanna danskit pitsaassusaannut naleqquttumik aaqii-soqassalluni, aammalu Inatsisissatut siunnersuummi immikkoortut pingaarnerit saqqummiunneqarlutik.

Tassalu Eqqartuussivimmi nipinik immiussisinnaanerup periarfissaanissaa, Politiit pinerluttoqarsimaneramik paasiniaasarnerannut tunngatillugu periarfissaannik pitsanngorsaanissaaq, Kalaallit Nunaanni Eqqartuussivinni eqqartuussisumik allamik eqqartuussisunngortitsisoqarsinnaanissaata qulakkeerneqarnissaa, taamatuttaarlu suliassanik isumaginninnerup tamarmiusup pitsanngorsarnissaa aammalu siunnersuisooqatigiit aalajangiisartullu arlallit ilaatigut KANUKOKA-p atorunnaarsinneqarnikuunerata kingorna naleqqussarneqartussat matumani pineqartut sulinermut pitsaanerusumut alloriaataasussaammata Siumumiit pitsaasutut isumaqataaffigaarput.

Kalaallit Nunatsinni Eqqartuussisarnermik inatsisip pitsanngorsaatissaatut saqqummiunneqartut tamaasa Siumumiit iluarisimaarlugit isumaqatigigatsigit oqaatigissuarput. Siumuimiillu isumaqarpugut allannguutissatut siunnersuutigineqartut ersarimmata, kiisalu allannguutissat pillugit suliassatigut malinnaatitsinissat ajunngitsumik naammassineqarsinnaanissaat qulakkeerniarlugu aappassaaneerneqannginnermini Inatsisinut Ataatsimiititaliamit misissoqqissaarneqarnissaa kaammattuutigaarput.

Anders Olsen, Siumut